



Inatsisartuni ilaasortaq, Karl-Kristian Kruse, Siumut
Inatsisartut
/MAANI

Sinerissap qanittuani qaleralinniarneq pillugu § 37 2013-122-imut akissut

Inatsisartut Suleriaasianni § 37, imm. 1 naapertorlugu sinerissap qanittuani qaleralittassiissutit pillugit pilersaarutit pillugit kiisalu piujuaannartitsinissaq pillugu apeqquteqarputit. Apeqqutit uannut akisassanngorlugit innersuusutigineqarsimapput.

Apeqqut:

1: Qaleralinnianut 6-meterimiik anginerusunik angallatilinnut pisassat tunniunneqartartut minnerpaaffilerneqarnissaat Naalakkersuisut pilersaarutigaat.

2: Suliffeqarfiit angisuut qaleralittassanik sinerissap qanittuani 6 meter-iniit anginerusunut pisassanik pisiortorsimasut pisassaasa utertinneqarnissaannik imal. atorunnaarsinneqarnissaannik Naalakkersuisut pilersaaruteqarpat?

Akissut:

1-imut: Qaleralinnianut 6-meterimit anginerusunik angallatilinnut pisassat tunniunneqartartut minnerpaaffilernissaanut apeqqutigisannut tunngatillugu ilisimatitsissutigissavara, massakkuugallartoq taamatut pilersaaruteqartoqanngimmat. Angallatinut 6 meterinit anginerusunut pisassiissutinit pisassanik agguasarnermi ukiuni kingullerni pingasuni tulaassimasat aallaavigineqartarput. Tamatuma kingorna pisassiissutinit pisassat ukiumullu pisassat niuerutigineqarsinnaalersarput, taamaalillunilu akilersinnaasumik ingerlatsinissaq qulakkeerneqarsinnaasarluni, tassanili ilaatigut aningaasaliissutigineqarsimasut annertussusaat apeqqutaasarlutik. Siuliani allassimasunut tunngatillugu ilisimatitsissutigisinnaavarattaq qaleralinniarnermi pisassiissutinik pigisanik tuniniarneqarsinnaasunik suliami ilaatigut KNAPK peqataasimammat. Tassungalu tungatillugu pisassiissutigineqartut KNAPK-imit akuerineqarput. Pisassiissutit tunniunneqartartut minnerpaaffilerneqassappata isumaga malillugu inatsit allanngorteqqaartariaqassaaq.

Ad 2: Ilisimaneqartutut Inatsisartut sinerissap qanittuani qaleralinniarnermi pisassiissutit 5%-imik amerlanerpaaffissalernikuaat. Amerlanerpaaffiliisimaneq allanngortinneqassappat tamanna Inatsisartuni kisimi pisinnaavoq, taamaasiortoqassappallu pisassiissutinillu amerlanerpaaffiliisimaneq appartinneqarluni minnerpaamik ukiuni tallimani sioqqutsilluni kallerriisussaataaneq ilanngullugu eqqarsaatigineqartariaqarpoq. Ingerlatseqatigiiffiit ilaat pisassiissutinik pisiortorsimapput aalisarnermilu peqataallutik, tunisassiassaqartuarnissartik qulakkeerniarlugu. Pisassiissutit tunniunneqarsimasut atorunnarsimasulli, aalisarnermi suliffissaqartitsinerpaaffiusuni atorneqarsinnaasunngorlugit naalakkersuisooqatigiit kissaateqarnerat taamaasiortoqarneratigut illuatungilersorneqassaaq.

Inussiarnersumik Inuulluaqqusillunga

Karl Lyberth

05-08-2013
Suliap nr. 2013-086913
Dok. nr. 1284721

Postboks 269.
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl